



HAREID ROTARY KLUBB

Månedsbrev for mai 2010.

Distrikt 2280
Klubbnr. 12713

Årgang 45



Møtedag:	Mandag kl. 18.00 - 19.00
Møtestad:	Klubbhuset til Hareid IL, 6060 Hareid.
President:	Oddvar Haugen
Visepres:	Vigdis Riise
Sekretær:	Trygve Riise
Kasserar:	Johs. J. Hareide
Past pres:	Johan Ole Brandal
Styremedlem:	Magnar Hatløy
Styremedlem:	Anders Riise
Ansv.red.:	Håvard Myrene
Referent:	Hallkjell Dahle

Fødselsdagar i mai.

Halkjell Dahle	6. mai
Johan Ole Brandal	23. mai
Hans Otto Rise	27. mai
Sverre Jarl Ulstein	30. mai

Frammøteporsent i mai: 54,4 %

En vaar nat.

Vaar-Natten stille og sval
Favner den slumrende Dal;
Elvene nynne de lange
Dæmpede, dyssende Sange.
Alfer sukke
For de smukke
Liljer, „O, tager os tilfange!“

Fjeldtoppens sølvblege Skjær
Viser, at Maanen er nær;
Over de samlede Graner
Skyerne svæve som Svaner.
Snart vil blide
Straaler glide
Over al den Herlighed, Du aner.

Luk dog ei Øjet inat;
Vaag med Erindringens Skat!
Her, mens du sidder alene,
Aabner sig Mindernes Scene.
Her vil fromme
Skygger komme
Vinkende blandt maanelyse Grene.

Hør, hvor de hviske Dig ømt;
Alt hvad din Længsel har drømt;
Se, hvor de bringe tilbage
Gjenskin af fagrere Dage!
Lad det tindre;
Det vil lindre
Smerten i dit Savn og i din Klage.

Johan Sebastian Wellhaven

Møte mandag 3. mai.

Wenche Jøsok, som er daglig leiar av Hareid hotell, hadde ein flott og fargerik presentasjon av **Kamasi**-gruppa. I tillegg til Hareid Hotell er også Hotell Ivar Aasen i Ørsta (ex Viking Fjord Hotell) samt Sagafjord Hotell på Sæbø med alle sine 'hytter' med i gruppa.

Kamasi-hotella satsar friskt i markedet. 4 personar jobbar med forskning og utvikling av konseptet og 2 personar er tilsett på marknadsføring. Sommarsesongen ser ut til å bli veldig bra med mange busslastar med turistar allereide booka inn.

Perla i gruppa er Hotell Ivar Aasen (kulturhotellet) som framstår som eit flunkande nytt hotell med kvalitet og eleganse tvers gjennom. Der er 74 gjesterom, Skårasalen bankett- og konferansesal med kurskapasitet for 160 personar og med alle tekniske 'siste skrik' av utstyr og hjelphemiddel.. I tillegg finn vi Ivar Aasen suita med design og særpreg som står sentralt for hotellet sin nye profil. Blant alle underleverandørane finn vi bl.a. Fora Form og Jets Vacum som eksponentar for det gode miljøet.

Hareid Hotell har 30 gjesterom med 60 senger. Restaurantdelen (M/S Polarstar), er som vi sikkert alle veit, også oppussa og oppgradert. Det same gjeld kurs- og konferansedelen (M/S Aarvak) med kapasitet på 60 personar og alt nødvendig utstyr tilgjengelig og til sist konferanse-/ selskapslokalet, M/S Minna, med kapasitet på 20 personar.

Sagafjord Hotell er eit av dei mest spesielle i Norge utforma som eit bygdetun beståande av gamle og nye bygningar. 48 rom like ved 'fjordenes konge', Hjørundfjord. Konferanseavdeling for inntil 50 personar. Utleige av båt til fisking.

Samarbeidspartnarar for Kamasi-hotella: Ishavsmuseet, Brandal, - Rekkedal Gjestehus, Bondalen,- 62 gr.Nord, Ålesund,- Eliasgarden, Hareid,- Neste Blåne, Cruise service, Ålesund og Ivar Aasen tunet, Hovdebygda.

Møte mandag 10. mai.

Denne kvelden var det dugnad på Rotarystien. Veret var godt. Frammøtet var godt. Arbeidslysta var stor. Arne Grimstad stilte med traktor. Heile Rotarystien fra Hjørungavågvegen til Grimstadvatnet vart stelt og grusa. Eit resultat **over all forventning**.

Ein kjempekveld!

17. og 24. mai var det møtefri.

Møte mandag 31. mai.

Programfritt og kaffeslaberas.